

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09) i člana 36. Zakona o izvršenju Budžeta HNK za 2025. godinu („Službene novine HNK“, broj: 4/25), na prijedlog Ministarstva poljoprivrede, šumarstva i vodoprivrede, Vlada Hercegovačko-neretvanskog kantona je na 44. sjednici, održanoj 12.5.2025. godine, donijela

**O D L U K U**  
**O USVAJANJU PROGRAMA UTROŠKA DIJELA NOVČANIH SREDSTAVA**  
**UTVRĐENIH BUDŽETOM HNK ZA 2025. GODINU**  
**ZA MINISTARSTVO POLJOPRIVREDE, ŠUMARSTVA I VODOPRIVREDE**  
**S POZICIJE TRANSFERI DRUGIM NIVOIMA VLASTI-POLJOPRIVREDA JEDINICAMA LOKALNE**  
**SAMOUPRAVE (ZA POLJOPRIVREDNE SAJMOVE, MANIFESTACIJE, IZLOŽBE)**

**I**

Usvaja se Program utroška dijela novčanih sredstava utvrđenih Budžetom HNK za 2025. godinu za Ministarstvo poljoprivrede, šumarstva i vodoprivrede s pozicije Transferi drugim nivoima vlasti-poljoprivreda jedinicama lokalne samouprave (za poljoprivredne sajmove, manifestacije, izložbe).

**II**

(1) Sredstva za realizaciju Programa iz tačke I ove Odluke osigurat će se u Budžetu HNK za 2025. godinu na poziciji Ministarstva poljoprivrede, šumarstva i vodoprivrede, budžetska organizacija 37010006, ekonomski kod 614 100 PAL001 Transferi drugim nivoima vlasti-poljoprivreda.  
(2) Dio novčanih sredstava iz Transfera drugim nivoima vlasti-poljoprivreda u iznosu od 50.000,00 KM (slovima: pedesethiljada KM) namijenjeno je za realizaciju ovog Programa.

**III**

Program iz tačke I ove Odluke čini sastavni dio ove Odluke.

**IV**

Za realizaciju ove Odluke zadužuju se Ministarstvo poljoprivrede, šumarstva i vodoprivrede i Ministarstvo finansija.

**V**

Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
**HERCEGOVAČKO-NERETVANSKI KANTON**  
**V L A D A**

Broj: 01-1-02-1101/25  
Mostar, 12.5.2025. godine

Bosna i Hercegovina  
Federacija Bosne i Hercegovine  
**HERCEGOVAČKO-NERETVANSKA ŽUPANIJA/KANTON**  
**MINISTARSTVO POLJOPRIVREDE,**  
**ŠUMARSTVA I VODOPRIVREDE**

|            |              |            |              |
|------------|--------------|------------|--------------|
| Primljeno: | 15.5.2025.   |            |              |
| Org. jed.  | Klas. oznaka | Redni broj | Broj priloga |
| 02-        | 02           | 568        | 15           |

K.332



**PREDSJEDNICA**

Marija Buhac

Na osnovu člana 55. Zakona o organizaciji uprave u Hercegovačko-neretvanskom kantonu („Službene novine HNK“, broj: 9/09) i Zakona o izvršavanju Budžeta HNK za 2025. godinu („Službene novine HNŽ“, broj: 4/25) ministar poljoprivrede, šumarstva i vodoprivrede HNK, donosi

## **PROGRAM**

### **UTROŠKA DIJELA NOVČANIH SREDSTAVA UTVRĐENIH BUDŽETOM HNK ZA 2025. GODINU TRANSFERI DRUGIM NIVOIMA VLASTI-POLJOPRIVREDA JEDINICAMA LOKALNE SAMOUPRAVE (ZA POLJOPRIVREDNE SAJMOVE, MANIFESTACIJE, IZLOŽBE)**

#### **1. SVRHA**

Sredstva se dodjeljuju jedinicama lokalne samouprave u svrhu prezentacije i promovisanja poljoprivrednih proizvođača i prerađivača na poljoprivrednim sajmovima, manifestacijama, izložbama, te stvaranje povoljnijeg ambijenta i mogućnosti za razvoj i poticaj poljoprivrede kao osnovne privredne grane na području HNK.

#### **2. VISINA I IZVOR SREDSTAVA**

Sredstva za realiziranje ovog Programa osigurana su u Budžetu HNK za 2025. godinu Ministarstvu poljoprivrede, šumarstva i vodoprivrede, organizacijska jedinica 37010006, ekonomski kod 614100, PAL001, Transferi drugim nivoima vlasti-poljoprivreda. Dio novčanih sredstava iz Transfera drugim nivoima vlasti-poljoprivreda u iznosu od 50.000,00 KM (slovima: pedesethiljada konvertibilnih maraka) namijenjeno je za realizaciju ovog Programa.

#### **3. KORISNICI**

Korisnici sredstava iz tačke 2. su jedinice lokalne samouprave u HNK za podršku organizovanju poljoprivrednih sajmova, manifestacija, izložbi na području grada/općine u svrhu prezentacije i promovisanja poljoprivrednih proizvođača i prerađivača. Grad Čapljina, Općina Neum, Grad Konjic i Općina Jablanica nisu ispunile obaveze utvrđene u ugovorima iz 2024. godine.

U skladu sa Programom utroška novčanih sredstava utvrđenih Budžetom HNK za 2024. godinu Transferi drugim nivoima vlasti-poljoprivreda jedinicama lokalne samouprave (za poljoprivredne sajmove, manifestacije, izložbe) koji je objavljen u Službenim novinama HNK broj: 5/24, Javnom pozivu iz 2024. godine i zaključenim ugovorima, Grad Čapljina, Općina Neum, Grad Konjic i Općina Jablanica u 2025. godini ne mogu učestvovati u raspodjeli novčanih sredstava po ovom Programu.

Sajmovi, manifestacije, izložbe koji se ne odnose na oblast poljoprivrede i nisu u skladu sa svrhom ovog Programa, neće moći ostvariti podršku po ovom Programu.

#### **4. JAVNI POZIV**

Program će se implementirati putem Javnog poziva jedinicama lokalne samouprave u HNK sa kriterijima za raspodjelu novčanih sredstava utvrđenih Budžetom HNK za 2025.



godinu Transferi drugim nivoima vlasti-poljoprivreda (za poljoprivredne sajmove, manifestacije, izložbe). Obavijest o raspisanom Javnom pozivu objavit će se u dvoje štampane dnevne novine, a cjeloviti tekst Javnog poziva objavit će se na službenoj stranici Ministarstva [www.mpsv-hnz-k.ba](http://www.mpsv-hnz-k.ba) te u Službenim novinama HNK.

Za podršku iz sredstava utvrđenih Budžetom HNK za 2025. godinu Transferi drugim nivoima vlasti-poljoprivreda, JLS može prijaviti maksimalno 2 poljoprivredna sajma, manifestacije, izložbe sa svog područja koji su od značaja za poljoprivredu i utiču na stvaranje povoljnog ambijenta i mogućnosti za razvoj i poticaj poljoprivrede. Grad Čapljina, Općina Neum, Grad Konjic i Općina Jablanica ne mogu aplicirati na Javni poziv u 2025. godini iz ovog Programa.

#### 5. KRITERIJI ZA RASPODJELU SREDSTAVA

Raspodjela sredstava jedinicama lokalne samouprave sa područja HNK za podršku organizovanja poljoprivrednih sajmove, manifestacija, izložbi vršit će se prema utvrđenim kriterijima. Kriteriji za raspodjelu sredstava za organizovanje poljoprivrednog sajma, manifestacije, izložbe su:

- Tradicija (broj godina održavanja) sajma, manifestacije, izložbe uključujući i 2025. godinu - do 10 bodova
- Trajanje sajma, manifestacije, izložbe u danima - do 5 bodova
- Broj izlagača (poljoprivrednih proizvođača i prerađivača) iz BiH u prethodnoj godini održavanja sajma, manifestacije, izložbe - do 5 bodova
- Broj izlagača (poljoprivrednih proizvođača i prerađivača) iz drugih zemalja u prethodnoj godini održavanja sajma, manifestacije, izložbe - do 5 bodova
- Broj poljoprivrednih sajmove, manifestacija, izložbi predložen od jedinice lokalne samouprave u 2025. godini (max. 2 sajma, manifestacije, izložbe) - 1 bod po sajmu, manifestaciji, izložbi.

Za primjenu navedenih kriterija koriste se podaci o poljoprivrednom sajmu, manifestaciji, izložbi koje JLS dostavi u prijavi.

#### 6. RASPODJELA SREDSTAVA

Novčana sredstva iz tačke 1. Programa, prema utvrđenim kriterijima odobrit će se drugim nivoima vlasti - jedinicama lokalne samouprave u HNK za podršku organizacije jednog ili najviše dva poljoprivredna sajma, manifestacije, izložbe.

Organizator poljoprivrednog sajma, manifestacije, izložbe može biti direktno JLS ili udruženje, savez poljoprivrednih udruženja, drugi organizator. JLS u prijavi za pojedinačni sajam, manifestaciju, izložbu može prijaviti samo jednog organizatora.

#### 7. PRIJAVA NA JAVNI POZIV

Prijava na Javni poziv jedinicama lokalne samouprave u HNK sa kriterijima raspodjele novčanih sredstava utvrđenih Budžetom HNK za 2025. godinu Transferi drugim nivoima vlasti-poljoprivreda (za poljoprivredne sajmove, manifestacije, izložbe) JLS dostavlja Ministarstvu poljoprivrede, šumarstva i vodoprivrede HNK, Hrvatske mladeži bb, 88 000 Mostar.

Nakon provođenja Javnog poziva, Vlada HNK donosi Odluku o raspodjeli novčanih sredstava utvrđenih Budžetom HNK za 2025. godinu Transferi drugim nivoima vlasti-

poljoprivreda jedinicama lokalne samouprave u HNK (za poljoprivredne sajmove, manifestacije, izložbe).

U skladu sa naprijed navedenom Odlukom Ministarstvo poljoprivrede, šumarstva i vodoprivrede sa jedinicom lokalne samouprave zaključit će ugovor o transferu sredstava jedinici lokalne samouprave za podršku poljoprivrednim sajmovima, manifestacijama, izložbama u 2025. godini.

#### 8. IZVJEŠTAJ O UTROŠKU SREDSTAVA

Jedinice lokalne samouprave obavezne su Ministarstvu poljoprivrede, šumarstva i vodoprivrede dostaviti Izvještaj o namjenskom utrošku dodijeljenih sredstava najkasnije do kraja tekuće godine.

Izvještaj JLS treba da sadrži narativni i finansijski dio. U narativnom dijelu treba navesti provedene aktivnosti, mjerljive rezultate (trajanje sajma, manifestacije, izložbe u danima, broj poljoprivrednih izlagača iz BiH i broj poljoprivrednih izlagača iz drugih zemalja, zemlje učesnice na sajmu i dr.), ostvarene efekte i postignutu svrhu održavanja poljoprivrednih sajmove, manifestacija, izložbi na području grada/općine. U finansijskom dijelu izvještaja dostaviti specifikaciju utroška dodijeljenih sredstava i priložiti kopije dokaza/računa o namjenskom utrošku sredstava u skladu sa prihvatljivim troškovima. Prihvatljivi troškovi su: zakup sajamskog prostora, zakup javne površine, zakup opreme (stolovi, razglas i sl.), prevoz opreme i montaža opreme na sajmu, vođenje programa sajma, ocjenjivanje poljoprivrednih proizvoda, reklame, oglašavanja, štampanje zahvalnica, plaketa i drugi organizacijski troškovi.

Nadzor po ovom Programu obavljaju kantonalni poljoprivredni inspektori.

Ukoliko JLS nije blagovremeno dostavila Izvještaj o utrošku sredstava ili se inspekcijskim nadzorom utvrdi da su sredstva utrošena nenamjenski, JLS je dužna izvršiti povrat sredstava na jedinstveni račun trezora. Ako jedinica lokalne samouprave ne dostavi Izvještaj na način propisan Programom, sredstva utroši nenamjenski i ne opravda odobrena kantonalna sredstva u cjelokupnom iznosu, u sljedećoj godini neće moći učestvovati u raspodjeli sredstava s budžetske pozicije Transferi drugim nivoima vlasti – poljoprivreda.

#### 9. DONOŠENJE PROGRAMA

Program stupa na snagu danom usvajanja Programa Odlukom Vlade HNK. Program će se objaviti u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
HERCEGOVAČKO-NERETVANSKI KANTON  
Ministarstvo poljoprivrede, šumarstva i vodoprivrede

Broj: 03-20-569-2/25  
Mostar, 29.04.2025.

